

সারাদেশ

পাওনা টাকা নিয়ে বিরোধ, বিজয়নগরে হামলা-ভাঙচুর

প্রতিবেদক: ব্রাহ্মণবাড়িয়া প্রতিনিধি

প্রকাশের তারিখ: রোববার, ৩০ আগস্ট ২০২৬, ০৫:২৩ PM



ব্রাহ্মণবাড়িয়ার বিজয়নগরে বিদেশে লোক পাঠানোর পাওনা টাকা নিয়ে বিরোধের জেরে হামলা ও ভাঙচুরের ঘটনা ঘটেছে। বৃহস্পতিবার (২৭ আগস্ট) রাত ৮টার দিকে উপজেলার পাহাড়পুর ইউনিয়নের ভিটি দাউদপুর গ্রামে এ ঘটনা ঘটে।

এ ঘটনায় অসিদ মিয়া (৬০) নামে এক বৃদ্ধ গুরুতর আহত হয়েছেন। তিনি ব্রাহ্মণবাড়িয়া ২৫০ শয্যাবিশিষ্ট জেনারেল হাসপাতালে চিকিৎসাধীন। এ ছাড়া মাহবুব, জুয়েল, লোকমান ও জিয়ানের নামের আরও চারজন প্রাথমিক চিকিৎসা নিয়েছেন।

স্থানীয় বাসিন্দা ও আহতদের সূত্রে জানা গেছে, ভিটি দাউদপুর গ্রামের মাহবুবের সঙ্গে একই গ্রামের রহমত আলীর বিদেশে লোক পাঠানো সংক্রান্ত পাওনা টাকা নিয়ে দীর্ঘদিন ধরে বিরোধ চলে আসছিল। বিরোধ নিষ্পত্তির জন্য স্থানীয় গণ্যমান্য ব্যক্তিরা উভয় পক্ষের সঙ্গে আলোচনা করে আগামী শনিবার সালিসের দিন নির্ধারণ করেন।

অভিযোগ রয়েছে, সালিসের আগেই বৃহস্পতিবার রাতে জালাল মিয়ার নেতৃত্বে একদল লোক রহমত আলীর ওপর অতর্কিত হামলা চালায়। এ সময় তাঁকে মারধর করা হলে বাধা দিতে গিয়ে অসিদ মিয়াসহ আরও কয়েকজন আহত হন।

অভিযোগ অনুযায়ী, হামলাকারীরা পরে মাহবুবের একটি মোটরসাইকেল ও বাড়িঘরে ভাঙচুর চালিয়ে ব্যাপক ক্ষয়ক্ষতি করে।

পরে স্থানীয়রা আহতদের উদ্ধার করে হাসপাতালে নিয়ে যান। এ ঘটনায় এলাকায় উত্তেজনা বিরাজ করছে। ভুক্তভোগী পরিবার জানিয়েছে, তারা এ ঘটনায় আইনগত ব্যবস্থা নেওয়ার প্রস্তুতি নিচ্ছে।

এ বিভাগের আরও খবর



পদ্মায় নির্খোঁজ ছাত্রদল নেতা রকির মরদেহ উদ্ধার
কুষ্টিয়ার ভেড়ামারায় পদ্মা নদীতে নৌকা ভ্রমণে গিয়ে হারিয়ে যাওয়া ছাত্রদলের সাবেক পৌর ছাত্রদলের সদস্য...



আতপগঞ্জ রুমিন ফারহানাকে অবাস্থিত ঘোষণা, বিএনপির বাডু মিছিল
জাতীয় সংসদে বিএনপির সমালোচনা করে দেওয়া বক্তব্যের প্রতিবাদে আতপগঞ্জ ব্রাহ্মণবাড়িয়া-২ আসনের স্বতন্ত্র সংসদ সদস্য ব্যারিস্টার...



সাতক্ষীরায় সড়ক দুর্ঘটনায় পথচারীর মৃত্যু
সাতক্ষীরায় যাত্রীবাহী বাসের খাকায় আব্দুল মাজেদ (৬০) নামে এক পথচারী নিহত হয়েছেন। আজ রোববার সকাল সাড়ে ১০টার দিকে সাতক্ষীরা-খুলনা মহাসড়কে...



ব্রাহ্মপুড়িয়ায় কনসার্ট ইস্যুতে সমঝোতা, মানতে হবে যে শর্ত
ব্রাহ্মপুড়িয়া সরকারি কলেজের নবীনবরণ উপলক্ষে কনসার্ট আয়োজনকে কেন্দ্র করে সৃষ্ট বিরোধের অবসান হয়েছে। শনিবার (১৩ সেপ্টেম্বর) সন্ধ্যায় ব্রাহ্মপুড়িয়া...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/paona-taka-niye-birodh-bijyngre-hamla-bhangchur>